

**LAURENTII
REINHARDI ILL.
GYMNASII
VINARIENSIS
CONRECTORIS DE...**

Lorenz Reinhard, Valenti Gonzaga



THE
FEDERAL
BUREAU OF INVESTIGATION
UNITED STATES DEPARTMENT OF JUSTICE
WASHINGTON, D. C.

REPORT OF THE
FEDERAL BUREAU OF INVESTIGATION
ON THE
MURDER OF

JAMES EARL RAY

VIRO PERILLVSTRI
DOMINO
IOANNI CASPARI
DE POGERELL,

EQVITI SILESIO,
CVIVS VIRTVTIBVS
AB AVGVSTISSIMO IMPERATORE
SPLENDIDISSIMI DESTINATI SVNT
HONORES,
ET QVI IN PRAESENTIA
SERENISSIMI DVCIS SAXO-VINARIENSIS
EST AB AVLAE, REGIMINIS ET SENATVS
ECCLESIASTICI CONSILIIIS,
OPTATISSIMO LITTERARVM PATRONO,
HASCE ORATIONES
SACRAS ESSE DICATASQVE
VOLVIT

A V C T O R.

OFFICE OF THE
ATTORNEY GENERAL
JANUARY 1964



Illustrissime summorum collegiorum Praeses, Maecenas certissime: Aulae et reipublicae proceres, natalium splendore munerumque amplitudine conspicui: Auditores omnium ordinum honoratissimi; tuque florentissima ornatissimae iuventutis concio!



Vm nulla vnquam bello detestabilior pestis ab iis excogitata sit hominibus, qui insignes aliis adferre calamitates ac perniciem atrociter minitari solent, ideoque ad mutua exitia temere ingeniosi sunt; quid dulcius, quid iucundius, quid amabilius illis, qui diuturna bellorum incommoda funestasque eorum plagas experti sunt, euenire potest, quam pax plena otii, plena quietis, plena tranquillitatis? Reuocetis,

quaeso, vobis in memoriam, *Auditores venerandi*, infausta illa tempora, quibus Europa, praestantissima orbis terrarum pars, intestinis olim bellis debilitata mutuisque cladibus attrita fuit; et videbitis tristissimam maximarum aerumnarum imaginem. Renouate in animis vestris earum rerum memoriam, quae exeunte superiore saeculo, et paullo post huius ipsius, quod triginta et vno abhinc annis ingressi sumus, saeculi initium in Europa gestae sunt; et miserrima mentibus vestris obuersabitur rerum forma publicarum. Bellorum strepitu percussae, militum clamore perterritae, armorum impetu conuasatae tum erant complures prouinciae: et Germania in summo aliquoties versabatur periculo. Veruntamen, auspice DEO optimo maximo ac duce fortuna LEOPOLDI MAGNI, Sacratissimi Principis Romanorumque Imperatoris felicissimi, singulari prudentia, et vere paterna, quam is de conseruanda publica salute praeclare semper sustinuit, cura, in eum res deductae sunt statum, ut hostes, suis diffisi rebus, belli fortunam tentare non amplius auderent, sed, armis abiectis, ad LEOPOLDI, domitoris sui, pedes sese proiicerent. Cum LEOPOLDVS, Princeps aeternarum plenus gloriarum, ad superas euocatus esset sedes, aethereosque in orbis caelestem collegisset

gisset animam; tanti Caesaris filius, IOSEPHVS, cuius solum nomen elogium est, quemque primis statim vitae annis in spem successionis optimo consilio electum fuisse nouimus, res omnes pro tutanda publica tranquillitate non minus gloriose gessit quam feliciter, adeo, vt omnes cum insignem eius sapientiam tum eximiam animi magnitudinem magno mirarentur opere. Hic postquam omnium opinione celerius mortalium rebus ereptus erat, optimorum S. R. I. Procerum, Principum ac Dominorum excelsis decoribus exsplendescentium, suffragiis eius in locum surrogatus statim est CAROLVS VI. Princeps omnibus cumulatissimus laudibus, et ad res maximas easque arduas strenue, fortiter ac prospere peragendas a DEO destinatus: qui, procellosis furoremque et clades minitantibus Turcorum moliminibus discussis atque compressis, arma iisdem eripuit, et, Serenissimo Sabaudiae Principe EVGENIO, illo belli fulmine et Heroe Fabiis ac Scipionibus maiore, aduersariis acriter instante, multa barbarorum millia cecidit; qui Galli longis successibus superbientis insolentiam protulit atque subegit, dilectissimaeque Germaniae dulcissimum pariter atque exoptatissimum otium restituit. Optimi maximique huius Caesaris laudes incomparabiles si pro rerum ab EO bene gesta-

gestarum magnitudine, et pro ea, qua *numini
maiestatique eius* semper dicatissimus fui, animi
demissione, praedicare vellem; summi oratoris,
Io. Wilhelmi Bergeri, opus mihi esset eloquen-
tia, et beati polyhistoris *Io. Philippi Sleuogtii*
elegantia. In praesentia mihi tantum animus est,
illud foedus iustis celebrare laudibus, quod *Sacra-
tissimus, Inuictissimus, Augustissimusque idem Prin-
ceps ac Dominus, CAROLVS VI. Romanorum
Imperator semper augustus, Germaniae, Hispa-
niae, Hungariae, Bobemiaeque Rex, Archi-Dux
Austriae*, reliqua, pacis tranquillitatisque, quod
felix faustumque sit, in omni Europa defensen-
dae ac tutandae caussa, cum *Augustissimo, Po-
tentissimo, Serenissimoque Principe ac Domino,
GEORGIO II. Magnae Britanniae, Franciae
et Hiberniae Rege, Brunsvicensium et Lunebur-
gensium Duce, S. R. I. Electore et Archi-The-
saurario*, cetera, nuper Vindobonae decimo
sexto mensis Martii die auspicato percussit. Quae
enim, pro communi Europae otio, et potissimum
pro stabili Germaniae prosperitate, pie religiose-
que nuncupauimus adhuc vota, eorum faustis
damnati sumus ominibus. Magnopere gaudent
commemorato foedere optimi clementissimique
S. R. I. Principes, cum perspectum habeant atque
exploratum, auream sic pacem prospere esse sta-
bilitam

bilitam validissimoque firmatam praesidio. Tanti, tam praeclari eiusdemque publici gaudii in primis participem se esse sentit *Serenissimus Celsissimusque Princeps ac Dominus, ERNESTVS AVGVSTVS, Dux Saxoniae, Iuliaci, Cliviae, Montium, Angariae et Westphaliae*, reliqua, *Pater patriae optimus* magnisque laudibus dignissimus: cuius *diem onomasticum* illustre Gymnasium hodie festum agit atque augustis publicae laetitiae significationibus. Qua ex re spes animum meum subit minime dubia, fore, ut orationis meae argumentum festo et augusto hoc die haud indignum iudicetis, auditores pie colendi, mihi que de augustis rebus breuiter strictimque dicturo exoptata benignitate aures attentas praebeatis. Mea certe oratio eo erit verior, quo erit simplicior et a furo curiosius conquisito alienior.

Foedus Vindobonense quinque abhinc mensibus ictum ut iusto ac vero extollam praecoonio, omnem operam in eo defigam, ut quam clarissime commonstrem, et in omnem Europam et praecipue in carissimam Germaniam vberissimam ex eo redundare vtilitatem. Pactus est hocce foedus CAROLVS VI. generis humani delictum, Imperatorum optimus, Rex Germaniae multo clementissimus, Princeps et diuorum maiorum

B

iorum

iorum gloria et suis virtutibus fulgentissimus, tot locupletissimorum regnorum, tot florentissimorum principatuum, tot amplissimarum prouinciarum, in quibus ad gubernacula sedet, opibus et potentia suffultus. Quis est nostro aeuo tam imperitus tamque ignarus rerum omnium, qui excelsam antiquissimae stirpis, ex qua CAROLVS ortus est, originem ignoret? Is profecto in ea historia, quae de fatis Germaniae exponit, peregrinus sit et hospes necesse est, qui nesciat immortalia augustae gentis Austriacae in Germaniam merita; quippe quae communem nostram patriam, et vniuersum, qua patet, orbem Christianum, tot luculentis ac manifestis adfecit beneficiis, vt res ab EA gestae longe sint dignissimae, quae consecrentur aeternitati. Quae patrum nostrorum memoria acciderunt, et ab historicis grauissimis prodita sunt memoriae; ea ex consulto iam premam silentio. At nunquam ex animis nostris discedet memoria recentissimorum temporum, quibus Imperator sanctissimus CAROLVS VI. nullis pepercit sumptibus in grauissimo atque saluberrimo publicae pacis negotio. Quantos sumtus fecit in varios conuentus de constituenda pace diuersis in locis celebratos! Quantis impensis copiosissimos ubique locorum vtiliter comparauit et benigne aluit

exer-

exercitus ! quorum fortitudo pariter atque multitudo securitatis fuerunt propugnacula. Ingratissimi sane omnium essemus mortalium , nisi CAESARVM OPTIMO, CAROLO VI. pro tot curis, pro tot sumtibus, quibus non expectationi Germaniae tantum satis fecit, verum etiam optimi cuiusque spem quam longissime superauit, publice ageremus gratias. O nos felices ! o nos beatos ! Cum tam benigno, tam indulgente publicaeque salutis cupido Caesare Imperium Romano-Germanicum fruatur ; in firmissimam certissimamque venimus spem, fore, vt foedus Vindobonense in Germaniam inferat felicitatem perennem :: cum praesertim certissimis firmissimisque pactionibus et sanctissimis promissionibus confirmata sit omnium regnorum, principatuum et prouinciarum, quibus CAROLVS. VI. cum imperio summaque potestate adhuc praefuit, coniunctio perpetua. qua nihil excogitari fingique potest ad Germanorum gaudia cumulate augenda aptius, nihil ad iura Imperatorum in Italiam strenue vindicanda validius, nihil ad tranquillitatem ac securitatem Imperii fortiter ac religiose tuendam et defendendam adcommodatius.

Summam et mirabilem vtilitatem etiam ideo commemoratum foedus Germaniae pariet, quod

percussum est cum *Augustissimo Magnae Britanniae Rege* GEORGIO II. quo meliorem Regem nunquam habuit Britannia, quo clementiorem Principem nunquam habuit electoratus Hannoueranus: quem extollit generis, ex quo originem traxit, antiquitas: in quem praeclara et immortalitati commendanda maiorum, qui summa fama floruerunt, facinora copiosissimam congerunt ornamentorum multitudinem: qui ex virtutibus, quibus ipse condecoratus est, regio fastigio dignissimis maximum dudum nactus est splendorem. Consideremus, quaeſo, auditores, vt recentissimorum tantum temporum mentionem faciam, quanta cura, quanta felicitate potentissima Angliae Regina, ANNA, Serenissimae Domui Austriacae opem tulerit, missis subsidiariis cohortibus manu fortissimis militiaeque ducibus rerum bellicarum peritissimis. Volutetis, rogo, in animis vestris ingentes illos labores, quos primus Elector Hannoueranus ERNESTVS AVGVSTVS, gloriosae recordationis Princeps, pro excelsae domus Austriacae commodis et pro communi totius Germaniae otio, cum insigni animi magnitudine et fausto cunctarum rerum successu, sustinuit. Nemini vestrum ignoti sunt labores, quibus fortiter ac feliciter pro tranquillitate et securitate Germaniae tum functus est

est beatissimae memoriae Elector Hannoueranus GEORGIUS LVDOVICVS, cum copiosissimo fortissimoque S. R. I. exercitui prope Rhenum praefuit, Gallorumque, patriam nostram nefario conatu hostiliter adortorum, impetus repulit, furorem eorum fregit, eorumque opes fortunatis praeliis attenuauit. qui neque postea, quam ad augustum regiae in Britannia haereditatis culmen haereditario iure euectus est, Germaniae salutem ac prosperitatem curare desiit. Quam primum augustissimus GEORGIUS II. et in regnis, et in electoratu, et in principatibus, et in comitatibus, ditioni ipsius subiectis, rerum admotus est regimini; quantam spem de eo concipere queat Germania, praeclaris statim et luculentis ostendit documentis. Qua de re ad amplissimam merito excitamur spem, quae iamiam locupletissima commoda, quae ex foedere Vindobonensi carissima Germania postero tempore percipiet, nobis quasi porrigit.

Eo maior autem erit illa felicitas, quae ex collaudato foedere in posterum in Germaniam redundabit, quo fortius ex eiusdem pactionibus Gallorum molitionibus reprimuntur, quae augustae domui Austriacae et vniuersae Germaniae nunquam non fuerunt inimicae atque perniciosae. Gallia Austriacorum potentiam, variis

14 DE FOEDERE VINDOBONENSI

auctam accessionibus, et in Caesareo fastigio,
 quod in rebus humanis summum est, per com-
 plura continuatam saecula, aegris semper oculis
 adspexit, quoniam eam formidauit vehementer.
 Cum olim Saxoniae Elector rebus a se gloriose
 gestis celebratissimus, *Fridericus sapiens*, Im-
 perii proceribus auctor salutari consilio exstitisset,
 vt ad CAROLVM I. Hispaniarum regem Caesaream
 dignitatem deferrent; Galliarum rex *Franciscus I.* id agebat enixissime, vt commemoratus
 CAROLVS tanti magistratus honore excluderetur.
 in quo tamen spes Franciscum fefellit. Cum di-
 uus IOSEPHVS, viuo adhuc Patre, Roma-
 norum Rex eligeretur; quae non molitus est
 occulte, quae non machinatus est palam *Ludo-
 uicus XIV.* Galliarum rex, vt filium suum *Del-
 phinum* Imperii proceribus obtruderet? Sed spe
 iste deiectus est, ita vt istius molimina neque
 genti Austriacae neque Germaniae detrimento
 tum esse potuerint. Quam noxia Germaniae et
 Austriacis consilia nuper ceperint Galli, vt men-
 tem potentissimi Hispaniarum regis a foedere
 Vindobonensi alienarent, et praepotentium
 confoederati Belgii ordinum voluntates distra-
 herent, et, quod dictu horribile, vel ipsos Tur-
 cos sollicitarent; ex publicis rerum nouarum
 tabulis haud obscure non ita pridem cognoui-
 mus.

mus. DEI autem benignitas occultas eorum machinationes discussit, et augustam gentem Austriacam etiam posthac tot ornamentis cumulabit, vt liquido confirmetur notissima illa Friderici tertii sententia: *Austriae est imperare*. Ira flagrent hostes Imperii, dolore ardeant, indignatione exardescant, captent consilia patriae nostrae inimica: vani erunt eorum conatus, irrita erunt eorum molimenta. Foedus, quod Vindobonae nuper CAROLVS VI. cum GEORGIO II. sanxit ac religiose confirmauit, obicem ponet hostilibus aduersariorum machinationibus.

Firmum et ratum erit collaudatum foedus per longam multorum annorum seriem; si vel maxime aduersarii omnem industriam omnesque machinas ad id conferre ausi fuerint, vt frangatur, violetur atque rumpatur. Ad societatem Vindobonensem laudabili prorsus consilio accessit *Augustissima Russorum Imperatrix*, ANNA, Princeps ac Domina tanto fastigio dignissima, summisque ornata virtutibus: adplicauit sese ad eam potentissimus *Philippus V.* rex Hispaniae: adiunxerunt se ei *praepotentes confederati Belgii ordines*; et breui tempore plures Reges potentissimi huius societatis partes amplectentur et tuebuntur, sicque inexsuperabilibus

ea

stella corusco fulgore omnibus lucens gentibus: “
 diu vale, vna cum SORORE AVGVSTISSIMA, et “
 tot frueri beatitatum summarum generibus, vt “
 Tua Tuorumque posterorum prosperitas con- “
 summetur perpetuitate.”

Salve quoque, Augustissime GEORGI AV- “
 GVSTE, Deorum soboles ac genitor, Britanniae “
 Regum maxime, indulgentissime, felicissime. Sis “
 Deo carus, sis Dei praesidio commendatus, sis “
 opum diues, sis periculorum expers, sis semper “
 fortunatus; vt, Te regnante, et regnorum Tuo “
 imperio subditorum, et principatuum Tuorum “
 flos atque felicitas noua subinde capiat incre- “
 menta. Valeat diu et bene valeat Augustissima “
 Tua coniux WILHELMINA CAROLINA, Re- “
 gina ac Princeps omnibus sexus sui decoribus “
 mirifice ornata: valeat, precor, et per omne vi- “
 taetempus pietatis suae fructus ferat vberimos. “
 Viuat prospere et bene valeat filius Tuus natu “
 maior, Augustissimus FRIDERICVS LVDO- “
 VICVS, Princeps Walliae, regnorum Tuorum “
 spes, principatuum Tuorum Tuarumque pro- “
 uinciarum exspectatio, ciuium Tuorum sola- “
 tium: in quo omnes virtutes regio culmine di- “
 gnae clarissimos emittunt radios. Floreat de- “
 nique omnis PROLES REGIA, et prospera semper “
 ex meis votis vtatur fortuna.”

„Salue, augustissima et potentissima *Russorum*
 „*Imperatrix*, quae CAROLI VI. causam agere
 „praeclare adhuc studuisti. Saluete augustissimi
 „potentissimique *Reges*, qui rebus AVGVSTISSI-
 „MAE DOMVS AVSTRIACAE fauere adhuc
 „non dubitastis, et SACRATISSIMAE CAESA-
 „RAE MAIESTATIS secuti estis amicitiam.
 „Saluete regnorum, principatuum, rerum publica-
 „rum ac prouinciarum domini, augustissimi, po-
 „tentissimi, serenissimique, quotquot foederis
 „Vindobonensis causam in posterum egregio et
 „glorioso modo defendere constituistis. Hac e-
 „nim ratione facta testaque conseruabitur *aequa-*
 „*litas potentiae summorum Principum Europae;*
 „quam grauissimus Politicorum ordo *balancem*
 „*Europae* nominare consuevit. Sic praeclara
 „Vestra prudentia impedit, quo minus hostium
 „manus aliquando ciuium Vestrorum cruenten-
 „tur sanguine. Sic nefarii Turcorum conatus dis-
 „iicientur: sic hostium Imperii Romano-Ger-
 „manici fastus reprimetur: sic Europae salus flo-
 „rebit; sic historici, oratores ac poetae, in prae-
 „dicandis gloriosis Vestris consiliis, quae nunquam
 „non magno Vobis honori erunt, omnem ingenii
 „vim luculenter commonstrabunt.

Ad Te iterum mea se conuertit oratio, sacra-
 tissime inuictissimeque Imperator, CAROLE.
 Magnum

Magnum gaudium et in aulis et in animis *Serenissimorum Celsissimorumque S. R. I. Principum* excitauit foedus Vindobonense. Suam in primis laetitiam in comitiis Ratisbonensibus per legatum suum et dignitate et doctrina illustrem nuperrime declarauit *Serenissimus Celsissimusque Princeps ac Dominus, ERNESTVS AVGVSTVS, Dux Saxoniae, Iuliaci, Cliuiae, Montium, Angariae et Westphaliae, Landgrauius Thuringiae, Marchio Misniae, Principalis dignitatis Comes Hennebergiae, Comes Marcae et Rauensbergae, Dynasta Rauensteinii, qui in fortissimo Tuo exercitu Generalis Campi Marschalli locum tenet*, Princeps ac Dominus meus clementissimus: cuius pro salute augusto hoc die, AVGVSTI memoriae dicato, publice vota nuncupo ritu solemnī. Largiatur Deus tam benigno Principi, tam indulgenti tamque bono patriae Patri, omnia bona piis eiusdem digna desideriiis: *Serenissimumque Principem Haeredem IO. WILHELMVM* et omnem *Serenissimam prolem* summis ornet beetque beneficiis. Crescant opes *Celsissimae Domus Saxo-Vinariensis*: ad felicitatem ciuium, optimi Principis mei ditioni subiectorum, ingens accedat cumulus; et eruditionis flos in florentissimo eius principatu magno augeatur incremento. Nouum denique in dies robur accipiat excelsa ac prospera *omnium Ducum Saxoniae* fortuna.

Conferuet supremum Numen pacem in omni Europa; confirmetque concordiam et tranquillitatem in dulcissima Germania: fortunet pia et salutaria sacratissimi Caesaris, reuerendisimorum et potentissimorum Electorum, itemque Serenissimorum Principum, omniumque denique Imperii ordinum consilia. Prospera semper sit ac stabilis Germanorum felicitas, et perennis voluptas. Sic nunquam mihi deerit exoptata eximie gaudendi occasio.

Austria percipiat progressus sancta secundos,
Exsultet semper prosperitate sua.

Imperium crescat faustis successibus amplum;
Ne noceant hostes, quos trahit impietas.
Floreat Anglorum Rex atque *Georgius* alter,
Et videat nunquam tristia fata suis.

Defensor Fidei, fortunae munere diues,
Confirmet solium Numinis auspicio.

Caesar et *Imperium* vigeant per tempora cuncta.
Anglia sit felix *Saxoniae*que domus.

Saxoniae Dominos exornet culmen honoris,
Hosque, fauente DEO, prospera fata iuuent.
Grandius augmentum capiat VINARIA sensim,
Consiliis laetis efferat atque caput.

Principis et nostri votis DEVS adnuat, oro,
Sic coeptis fructus aura secunda dabit.

D I X I.

PRO-

PROGRAMMA ORATIONI PRAEMISSVM.

ADpropinquat dies
 AVGVSTI memoriae sacra.
 Dies augusta
 caerimonias augustas postulat,
 sermonesque augustos
 de rebus augustis
 exigit.

Augustius nihil
 hoc ipso anno
 commemorari, credo, poterit
 fausto illo foedere,
 quod

AVGVSTORVM AVGVSTISSIMVS.

Sanctissimus, Inuictissimus,
 Potentissimusque Princeps
 ac Dominus

CAROLVS VI.

*Romanorum Imperator semper augustus,
 Germaniae, Hispaniae, Hungariae,
 Bobemiaeque Rex, Archi-Dux
 Austriae, etc. etc. etc.*

humani generis delictum,
 hostium Germaniae terror,
 barbararum gentium triumphator,
 securitatis Christianorum propugnator,
 Imperii praesidium,

aeterna
Serenissimae gentis Austriacae
gloria,
ac publicae salutis conseruator,
cum

! Augustissimo, Potentissimo
Serenissimoque Principe
ac Domino

GEORGIO II.

*Magnae Britanniae, Franciae
et Hiberniae Rege,
Brunsvicensium et Lüneburg. Duce,
S. R. I. Electore et Archi-Thesaurario,
fortissimo Fidei Defensore,
Rege*

excelsis exsplendescente decoribus
et de ciuium suorum salute
bene et immortaliter promerito,
praeifulgente Europae sidere,
pacis,

qua nihil est iucundius,
conseruandae ergo,
et tranquillitatis,
qua nihil dici potest dulcius,
in vniuersa Europa
tutandae gratia,
auspicato percussit.

Quo

Quo feliciter effectum est,
vt magnopere gaudeant,
quotquot

IMPERIO ROMANO-GERMANICO

ea, qua decet, fide
securitatem, incolumitatem,
resque secundissimas
optant ac precantur.

Serenissimi Celsissimique
Sacri Rom. Imperii Principes
praeclare intelligunt,
inuietissimo CAROLO VI
conciliatore et arbitro

auream pacem
stabilitam esse atque confirmatam.

Qua dere
ingens
quod eorum pectora compleuit
gaudium
publice testatum faciunt.

In societatem
tantae et tam eximiae laetitiae
suo etiam iure venit,
pro ea,

qua
SACRATISSIMAE CAESAREAE MAIESTATI
deuotus est, pietate,

Sere-

24 DE FOEDERE VINDOBONENSI etc.

Serenissimus Celsissimusque Princeps
ac Dominus,

ERNESTVS AVGVSTVS,

*Dux Saxoniae,
Iuliaci, Cliuiae, Montium, Angariae
et Westphaliae etc.*

*Germaniae ornamentum,
ciuium solatium,*

*Pater Patriae optimus,
heros et in sago et in toga strenuus,
cuius diem onomasticum*

*iam dicto die III. Augusti
simul celebrabit*

*illustre,
in quo Musas benignissime alit,
Gymnasium.*

Commemorato igitur die
de laudato *Foedere Vindobonensi*
Panegyricam ego habebo *Orationem*.

Ad quam beneuole audiendam
vt *Perillustres Aulae Proceres*,
omnesque litterarum patroni ac
fautores conueniant,
ea, qua par est, obseruantia, rogo, obsecro,
obtestor.

P.P. pridie Cal. Augusti A. R. G. MDCCXXXI.

ORATIO



ORATIO
DE SVCCESIONE FEMININA
IN AVGVSTISSIMA DOMO AVSTRIACA,
IPSO DIE NATALI
AVGVSTISSIMAE ROMANORVM IMPERATRICIS
ELISABETHAE CHRISTINAE
D. XXVIII. AVG. MDCCXXXII. HABITA

LAVRENTIO^A REINHARDO.

*Maecenas Illustrissime, Patroni venerandi,
Fautores colendi, Amici honoratissimi,
Adolescentes meliorum litterarum aman-
tissimi, dilectissimique!*

Illuxit dies celeberrimus, illuxit dies sanctissi-
mus, illuxit dies religiosissimus. Publicam
igitur laetitiam solemnī significemus ritu ne-
cessē est, auditores. Vix faustae gratulationes ex
Baiis Carolinis resonare desierunt, cum novum
laetandi gratulandique argumentum de coelo ad-
fertur. Faustis enim hodie sideribus exortus est
serenissimus dies natalis principum feminarum
principis, Sacratissimae Augustissimaeque Prin-
cipis ac Dominae ELISABETHAE CHRI-
STINAE, Sacratissimi, Inuictissimi, Augustis-
D
fimi

fimi Potentissimique Principis ac Domini, Domini
CAROLI VI. *Romanorum Imperatoris semper Augusti, Germaniae, Hispaniae, Hungariae, et Bobemiae Regis, Archi-Ducis Austriae, etc. Imperatoris ac Domini nostri multo clementissimi,*
CONIVGIS LECTISSIMAE, Principis maiorum aequae gloria ac suis virtutibus fulgentissimae. Laetatur tantae Principis, quae, ex thermis Carolinis redux, valetudine prosperrima fruitur, salute exoptatissima vniuersa, qua patet, Germania: Eam enim ornant excellentissima egregiarum maxime virtutum decora. Quis, quaeso, nescit, tantae eam esse clementiae, ut in bene de re publica meritos beneuolentiam, in pauperes munificentiam in dies exerceat? Omnes profecto confitentur, quibus eam propius nosse contigit, omni animi contentione tantam Principem in id incumbere, ut sui memoriam benefactis reddat aeternam. Laetatur in primis optimae Imperatricis incolumitate Serenissimus Celsissimusque Princeps ac Dominus, **ERNESTVS AVGVSTVS,** Dux Saxoniae etc. pater patriae indulgentissimus: cui augustissimae gentis Austriae perenni stabilitate nihil est carius, nihil antiquius. Cumque commemoratum diem natalem augustis caerimoniis in splendidissima aula celebraturus sit, praesente celsissimo
 illu-

illustriſſimoque in ſago pariter atque toga Heroe, Domino *Friderico Henrico S. R. I. Comite de Seckendorſ*, Sacrae Caefareae Maieſtatis conſiliario intimo, ſupremo rei tormentariae praefecto, equeſtrisque militiae duce, etc. viro et factis bellicis et celeberrimis legationibus laudes adepto eximias; ſimul in illuſtri hac Muſarum ſede laetitiam publica oratione ſignificari iuſſit clementiſſime. Oratoris quidem partes ab optimo Principe mihi demandatae ſunt; verum quis tam diſertus tantaque eloquentiae copia inſtruſtus eſt, vt virtutes ac laudes auguſtiſſimae Imperatricis plene queat exprimere, quae ne cogitando quidem quiſpiam poteſt adſequi? Veruntamen vt officio mihi delegato ſatisfaciam, non laetitiam Sereniſſimi patriae Patris ſolum declarabo, ſed publico etiam nomine vota pro auguſtiſſimae Imperatricis ſalute pie nuncupabo. Et quoniam praedicandis tantae Principis laudibus ea dicendi facultas non ſufficit, quam diuina mihi tribuit benignitas; in praefentia *de ſucceſſione feminina in Aſtria* verba faciam, ſimulque demonſtrabo, quantum commodi ex ea, noſtro praefertim aevo, ad Germanos, publicae tranquillitatis ſecuritatisque cupidos, redundet. Demiſſiſſimus animi cultus, quo auguſtiſſimam gentem Aſtriacam colitis, auditores, et eximia, qua me dignum

adhuc iudicatis, beneuolentia, ea, vt spero, supplebunt, quae dictionum mearum nitori rerumque adparatui deesse mihi videntur. Selectum saltem argumentum festo hoc lactoque die haud indignum censebitis.

Succeffionem femineam, in regnis ac prouinciis successiuis, sanioribus praeceptis iuris publici vniuersalis conuenire, nemo est, qui dubitat. Philosophi autem partes hodie sustinere, mihi non est in animo; historici potius officio breuiter strictimque fungi laborabo. Ius successionis haereditariae in terris Austriacis etiam ad filias deuoluendum iam medio saeculo duodecimo Imperator Romano-Germanicus *Fridericus Barbarossa* illustri confirmauit stabiliuitque *pruilegio*. Rem hanc minime dubiam nuper quidem dubiam facere et in controuersiam vocare ausus est Eques Gallus *de Chavigny*; at scriptum eius solidissimis grauissimisque rationibus confutauit illustre aulae Saxo-Vinariensis ornamentum, *Ioannes Caspar de Pogereff*, cuius commentationem tanti fecit Sacratissimus Imperator, vt virtutibus generosissimi auctoris splendidissimos destinauerit honores. Profecto si dubia esset *pruilegii* Fridericiani certitudo, si incerta esset et ambigua eiusdem auctoritas; non nouis illud
sanctio-

sanctionibus ac repetitis decretis confirmassent Imperatores, qui post Friderici I. mortem summae imperii in Germania praefuerunt, nempe Fridericus II. Rudolphus I. et Carolus V. quique magno iudicii acumine pollebant, maximisque rebus praeclare gestis nomina sua consecrarunt immortalitati. Rudolphum Habsburgicum privilegia Austriaca superiora confirmasse, planum haud ita fecit celeberrimus *Struvius* in corpore historiae Germanicae, opere vtilissimo. Et *Samuel Pufendorfius*, qui, adscito *Seuerini de Monzambano* nomine, mandato heri sui compulsus, acerbe satis infectatus est Austriacorum privilegia, eo audaciae sese adduci haud passus est, ut contendere conaretur, ancipitem esse de privilegio femineae successionis contentionem. Qua de re dudum mihi persuasi, Pufendorfium, virum historicarum veritatum gnarum magnaue iudicii vi praestantem, certitudinis, antiquitatis, et veritatis memorabilis huius privilegii penitus ac plene convictum fuisse. Perspicitis vero haud difficulter, Auditores, verissimam causam, qua adductus iste eques Gallus, Regis sui legatus, in suspicionem adducere studuit privilegium tanti momenti. Persuadere enim Germanis non noluit, domum Austriacam nova subinde adfectare privilegia, novas adpetere praerogativas, novas concupiscere opes:

simulque, quod nouitatis prae se ferret speciem, odiosum fore et inuidiosum plerisque ratus est.

Nemo praeterea negare potest, in reliquis etiam regnis ac prouinciis, ditioni augustissimae gentis Austriacae subditis, dudum valuisse feminam successionem; nisi omnem in dubium vocare velit fidem historicam eamque temere suppressere. *Hungariam* atque *Bobemiam* ex iure coniugii femineaeque successionis peruenisse in potestatem Alberti II. et Ferdinandi I. quorum nomina fama celebrata sunt, constat profecto inter omnes: et quoniam vtrumque regnum, nefariis hostium irruptionibus oppressum, Imperatores Austriaci armis in pristinam vindicarunt securitatem ac tranquillitatem, feminea in utroque successio non minus firmo nititur fundamento, quam in ipsa Austria. Regnum *Neapolitanum* iure connubii et femineae successionis olim plures adeptos esse sibi que vindicasse Principes, historiarum monumenta fide digniora liquido confirmant: idque ob femineam successionem post Caroli II. Hispani obitum in ditionem sacratissimi CAROLI VI. statim venisset, nisi infausti istius, illegitimi et iniquissimi testamenti, quod aulae Romanae purpuratus Portocarerius temere scripserat, audacissimus defensor restitisset, quo minus optimus Archi-
Dux

Dux Austriae legitimam statim adiret haereditatem. *Siciliam* Imperator Henricus VI. iure matrimonii, quo regis Wilhelmi I. sororem sibi iunxerat, nactus est; cuius posterī eam postea in sua iure tenuerunt potestate: eademque mortuo Carolo II. Hispaniarum rege legitima haereditate, cuius fundamentum feminea erat successio, ad diui Leopoldi, Imperatoris felicissimi, filios Serenissimos translata est, quorum minor natus, fortissimus nimirum CAROLVS, manibus illegitimi vsurpatoris armis eam eripuit. In *Belgio Austriaco*, cuius florem ac prosperitatem Inuictissimus CAROLVS VI. hodie diligentissime curat, paternoque fauore complectitur, femininam iam olim locum obtinuisse successionem, felicissimum illud comprobat coniugium, quod Maximilianus I. Imperator aeternis laudibus inclutus cum Maria Burgundica auspiciatus iniiit, quodque ingentes augustissimae domus Austriae diuitias et opes splendidissimis auxit accessionibus. In *Statu Mediolanensi*, cui Sacratissimus Caesar noster, hoc ipso saeculo in-eunte, profligatis ac deletis hostibus, otium et pacem reddidit, femineam valere debere successionem, praeter reliqua argumenta, euincunt leges *tractatus Londinensis*, in quo, anno huius saeculi octauo decimo, de pace Europae feliciter

ter, conferuanda actum est vtiliter. quae non minus perpetuam omnium regnorum ac regionum, quae sanctissimo CAROLO VI. parent, coniunctionem stabiliunt, quam celeberrima illa foederis Vindobonensis, anno huius saeculi vicesimo quinto icti, decreta; quae temporum praesentium rationes merito in memoriam nobis reuocant. Intelligitis ergo, Auditores praestantissimi, quam firmo feminea in terris Austriacis successio innitatur fulcro. Nec est quisquam vestrum, quem fugiant illa, quae adhuc salutare maxime consilio in comitiis Ratisbonensibus gesta sunt. Nam plurimorum Serenissimorum Celissimorumque sacri Romani Imperii Procerum suffragia illustrem illam fortunatissimamque *Sanctionem Pragmaticam* Augustissimi CAROLI VI. de commemorata aliquoties *successione feminea* omnibus viribus a Deo sibi concessis defendendam tuendamque ibi susceperunt: id quod Sacratissimo Italiae Germaniaeque Hero summae est laetitiae. Neque dubitamus, quin et reliqui ad horum sententiam breui accessuri sint tempore.

Fructuosa haec Germaniae consilia, salutares hae promissiones, vtilissimae hae sponsones, terrorem incutient gentis Austriacae hostibus, vt de omni prorsus spe temere concepta deturbentur.

tur. Quodsi igitur gentis Burbonicae consilia, Austriae nunquam non inimicissima, vniuersaeque Germaniae pariter atque Italiae noxia, bellum in posterum conflare voluerint; futurum esse confidimus, vt clarissima infinitisque documentis ac speciminibus illustrata Germanorum fortitudo et Gallorum et Turcorum conatus bellicos strenue reprimat, omnemque iniuriam carissimae patriae nostrae illatam feliciter propulset. Certe omnes fideles Germaniae ciues nihil magis habent in votis, quam vt gens Austriaca cum antiqua dignitate venerabilis, tum insigni opulentia formidabilis in perpetuum floreat, faustissimisque fruatur felicitatis incrementis. Et qui arma aduersus hostes ferre haud poterunt, seriis saltem precibus solemnibusque supplicationibus victoriam conciliabunt dimicantibus pro patriae tranquillitate. Iuuant copiae securitatem publicam, iuuant exercitus copiosi, iuuant belli duces vsu conspicui: profunt prosperitati patriae milites, profunt arma, profunt viri rei militaris peritia clari: commoda adfert Germaniae fortitudo, commoda adfert prudentia, commoda adfert bellicorum adparatum copia; at in precibus pia castaque mente ad immortale Numen missis firmissimum inest felicitatis communis

E

prae-
fati-

praesidium, omni firmitus muro, omni validius munimento.

Reliquum est, vt illud iam a me peragatur, cuius causa praecipue hanc conscendi cathedram. Gratuler nempe necesse est Augustissimae Imperatrici de die ipsius natali, faustis hodie omnibus reducto. Salue igitur, Sacratissima ELISABETHA CHRISTINA, Augustarum augustissima. Accipe vota hilari mente ac fronte serena, quae fausto hoc die pro felicitatis TVAE incrementis nuncupantur, et breui incomtaque oratione exprimuntur ab homine MAIESTATI TVAE dicatissimo. Amet TE Deus, quem TV amare pergis. Seruet TE Deus diu saluam omnibusque beatitatibus cumulatam, vt laetitiae plenissimum huncce diem saepius postero celebrare queas tempore. Valeat Sacratissimus TVVS maritus, Caesarum optimus, CAROLVS VI. qui dominatum ac fastum Turcorum, Europae et in primis Germaniae funestum, strenue repressit: qui Imperii iura in Italiam a nefariis Pontificum Romanorum molitionibus acriter defendit: qui astutos Gallorum conatus, ac superbas male animatorum Hispanorum machinationes, fortiter suppressit: qui pacis Westphalicae leges ab imminentibus violationibus perni-

perniciosis, et ingentem malorum seriem minitantibus, tutas adhuc lubenti animo praeſtitit: qui denique pacem et concordiam inter Germaniae Principes firmo firmavit robore. Largiatur Eidem ſummum Numen voluptates animi piis eius deſideriis digniſſimas. Valeat Auguſtiſſima PROLES TVA, diuinae benignitatis pignus. Immo creſcat domus TVA auguſta innumerabilibus ſaeculorum ætatibus.

D I X I.

Plaudite!
 Quotquot Germanica fide
 AVGVSTISSIMAE.
 et de publica tranquillitate
 immortaliter promeritæ
 GENTI AVSTRIACAE
 pie addicti eſtis.
 Proſpera vitur valetudine
 et craſtino die
 fauſtiſſimum diem ſuum natalem
 auſpicato feſtum agitabit
 Principum ſeminarum princeps,
 ſacraſtiſſima, auguſtiſſima,
 potentiſſima
 E 2 Princeps

Princeps ac Domina
ELISABETHA CHRISTINA,

Sacratissimi, inuictissimi,
 augustissimi potentissimique

Principis ac Domini,
 Domini

CAROLI VI.

Imperatoris optimi, maximi,
 clementissimi, prudentissimi,
CONIVX LECTISSIMA.

Plaudite!

Valet et bene valet

Basis Carolinis vſa

Princeps

et ſummae inter homines

dignitatis ſplendore

et virtutum ſuarum decoribus

exſplendescens,

auguſtiſſimae

MARIAE THERESIAE,

veriſſimi illius

publicae felicitatis pignoris,

mater ſanctiſſima,

quae

Deum colit,

quae

quae
Imperatorem amat,
quae
pro salute Imperii orat.

Lactatur
TANTAE PRINCIPIS
salute exoptatissima
Serenissimus Celsissimusque
Princeps ac Dominus
ERNESTVS AVGVSTVS,

Dux Saxoniae,
patriae nostrae pater
indulgentissimus,
pro ea,
qua Caesaream Maiestatem
semper veneratur,
pietate.

In societatem
tam laudabilis laetitiae
suo etiam iure venit
Illustre Gymnasium Saxo-Vinariense,
quod,
me interprete,
crastini diei
hora VIII. matutina

E 3

vota

vota nuncupabit
pro perenni salute
optimi Imperatoris,
et
optimae Imperatrici
de die natali,
faustis reducto ominibus,
solemni ritu gratulabitur.

Conuenite igitur
aulae et reipublicae proceres,
natalium splendore
munerumque amplitudine
conspicui,
in maiori Gymnasii auditorio.

Conuenite,
meliorum litterarum
fautores pariter atque cultores.

Conuenite
vota mecum nuncupate,
et
plaudite!

P. P. die xxvii. Aug. A. R. G. MDCCXXXII.

